



Na osnovu člana 70. Stav (3) Zakona o javnim nabavkama ("Službeni glasnik BiH", broj: 39/14), člana 69. Statuta ZD RMU "Breza" d.o.o. Breza, broj: OPU-IP 320/2009, direktor JP Elektroprivreda BiH d.d. – Sarajevo, ZD RMU "Breza" d.o.o. – Breza, u Konkurentskom postupku javne nabavke, broj: 165-7-2-72-3-60/15, donosi:

Broj: 01-OPK- 13582 /15
Breza, 19.11.2015. godine

ODLUKU

o izboru najpovoljnijeg ponuđača

Član 1.

Prihvata se preporuka Komisije za provedbu postupka javne nabavke usluga (u daljem tekstu: Komisija) iz Zapisnika o pregledu i ocjeni ponuda, broj: 01-OPK- 13582 /15 od 19.11.2015. godine, i ugovor za uslugu izrade tehničke dokumentacije „Elaborat periodičnih pregleda i ispitivanja uslova komfora radne sredine u JP Elektroprivreda BiH d.d. Sarajevo, ZD RMU "Breza" d.o.o. Breza za pogone "Kamenice", "Sretno", "Prerada uglja" i magacin eksplozivnih sredstava "Bare" – zimski pregled sa ispitivanjem mehaničkih, hemijskih i bioloških štetnosti i mikroklimatskih uslova rada" dodjeljuje se ponuđaču „**Institut za zaštitu, ekologiju i obrazovanje d.d. Tuzla**“ sa ponudom, broj: 3047-P-II/15 od 10.11.2015. godine, kao ponuđaču koji je ponudio najnižu cijenu.

Član 2.

Po pravosnažnosti ove Odluke, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku, a shodno zahtjevima ugovornog organa navedenim u tenderskoj dokumentaciji, a u skladu sa zakonskim propisima koji regulišu postupke ugovaranja.

Član 3.

Ova odluka će se objaviti na internet stranici ZD RMU „Breza“ d.o.o. Breza, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav (6) Zakona o javnim nabavkama.

Obrazloženje

ZD RMU „Breza“ d.o.o. Breza objavio je dana 4.11.2015. godine na Potralu javnih nabavki Konkurentski postupak za javnu nabavku usluga, broj: 165-7-2-72-3-60/15.

Shodno naprijed navedenom Konkurentskom zahtjevu, ugovorni organ je odredio da kriterij za dodjelu ugovora bude „najniža cijena“ s preduvjetom ispunjenja svih uvjeta propisanih Konkurentskim zahtjevom za dostavu ponuda. Do krajnjeg roka za dostavu ponuda, 12.11.2015. godine do 11^{00h}, pristigle su 2 (dvije) ponude i to ponuđača:

1. Rudarski Institut d.d. Tuzla,
2. Institut za zaštitu, ekologiju i obrazovanje d.d. Tuzla.

U toku ekonomske ocjene ponuda Komisija je uočila značajnu razliku u ponuđenim cijenama te je u skladu sa članom 17. Uputstva za pripremu modela tenderske dokumentacije i ponuda („Sl. glasnik BiH“, broj: 90/14) od ponuđača Institut za zaštitu, ekologiju i obrazovanje d.d. Tuzla zatražila pismeno pojašnjenje cijene ponude, broj: 01-OPK-13392/15.

Institut za zaštitu, ekologiju i obrazovanje d.d. Tuzla je dana 16. novembra 2015. godine dostavio pismeno izjašnjenje i obrazloženje ponuđene cijene kojim je opravdao ponuđenu cijenu, a koje je nadležna Komisija u potpunosti prihvatila.

Iz naprijed navedenog, proizilazi da su pristigle dvije prihvatljive ponude, odnosno da su ponude dostavili ponuđači koji su kvalifikovani, tehnički i profesionalno sposobni za realizaciju predmetne nabavke te je na osnovu kriterija najniže cijene Komsija dala preporuku direktoru da donese Odluku o dodjeli ugovora.

Uzimajući u obzir sve navedeno, a primjenom člana 64. stav (1) tačka b) Zakona o javnim nabavkama kao najpovoljniji ponuđač je izabran Institut za zaštitu, ekologiju i obrazovanje d.d. Tuzla sa ponuđenom cijenom od 5.500,00 KM te je donesena Odluka kao u dispozitivu.

PRAVNA POUKA:

Radi zaštite svojih prava, svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i /ili podzakonskih akata može shodno članu 99. i članu 101. stav (5) Zakona o javnim nabavkama („Sl. glasnik BiH“, broj: 39/14) izjaviti žalbu ugovornom organu u pisanoj formi u roku od 5 (pet) dana od dana prijema odluke o izboru najpovoljnijeg ponuđača. Žalba se podnosi u dovoljnom broju primjeraka koji ne može biti manji od tri kako bi mogla biti uručena izabranom ponuđaču i drugim strankama u postupku.

Dostavljeno:
1x Ponuđači
1x Komisija
1x a/a

Direktor
Suad Čosić dipl.ing.rud.

